



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 09-1-50-1847-3/18
Sarajevo, 24.05.2018. godine

PARLAMENTARNA SKUPŠTINA BOSNE I HERCEGOVINE
SARAJEVO
31.05.2018

Redni broj	Klasifikaciona oznaka	Redni broj	Broj priloga
01-50-1-15-61/18			

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

PREDMET: Odgovor na poslaničko pitanje Mirsada Isakovića, poslanika u Predstavničkom domu Parlamentarne skupštine BiH, dostavlja se

Na 61. sjednici Predstavničkog doma Parlamentarne skupštine Bosne i Hercegovine poslanik Mirsad Isaković postavio je usmeno poslaničko pitanje ministru spoljne trgovine i ekonomskih odnosa BiH i nakon dobijenog usmenog odgovora, zatražio dostavu odgovora u pisanoj formi.

Postupajući po dostavljenom zahtjevu u prilogu dostavljamo odgovor na postavljeno poslaničko pitanje.

S poštovanjem,

Prilog: Kao u tekstu

Dostavljeno:

- Naslovu
- Generalnom sekretarijatu Savjeta ministara BiH
- a/a



Mirsad Isaković, poslanik u Predstavničkom domu Parlamentarne skupštine Bosne i Hercegovine, je na 61. sjednici Predstavničkog doma postavio usmeno poslaničko pitanje:

“Ove godine je došlo tri puta do povećanja cijene nafte i naftnih derivata i to: 1. februara od 20 do 25 feninga, 16. aprila od 5 feninga, 7. maja od 5 do 10 feninga. U najavi je poskupljenje od 5 do 10 feninga. Dakle, za protekla tri mjeseca nafta i naftni derivati su u prosjeku poskupili za 40 feninga. Poznato je da je u BiH formiranje cijena slobodno, pa distributeri i trgovci naftom i naftnim derivatima sami prilagođavaju cijene svjetskom tržištu. Svjestan situacije upozoravam da će ovako povećanje cijena imati sigurnu lančanu posljedicu poskupljenjem usluga prevoza i prehrambenih artikala, što bi bio udar na budžet građana. Zbog toga postavljam pitanje:

Šta je Vijeće ministara BiH i nadležne institucije entiteta uradile na zaštiti građana od ovakvog udara na budžet građana, i ako nisu, šta planiraju uraditi?”

Na istoj sjednici poslanik Isaković je dobio usmeni odgovor ministra spoljne trgovine i ekonomskih odnosa BiH i zatražio da mu se dostavi i pisani odgovor.

S tim u vezi, ministar spoljne trgovine i ekonomskih odnosa BiH dostavlja sljedeći

ODGOVOR

Uvođenje akciza, dovelo je do rasta maloprodajne cijene naftnih derivata. Problem kod uvođenja akciza je što su one kao takve fiksne, čime su smanjene mogućnosti da se u maloprodaji rade određene korekcije u pravcu stabilizacije cijena nafte.

Obzirom na trenutnu političku situaciju na Bliskom istoku, gdje se Sjedinjene Američke Države povlače iz iranskog nuklearnog sporazuma, očekuju se nova poskupljenja nafte na svjetskom tržištu. Cijene nafte su porasle i drže se na nivou cijene na Londonskom tržištu gdje je trenutna cijena prosječno 77 dolara po barelu. Kako se očekuje da će i druge zemlje slijediti Sjedinjene Američke Države predviđa se da bi cijena nafte uskoro mogla dostići vrijednost od 80 dolara po barelu. To će još dodatno usložiti formiranje cijene na bosanskohercegovačkom tržištu.

Ministarstvo vanjske trgovine i ekonomskih odnosa BiH je uputilo relevantnim entitetskim ministarstvima upit da se provjere iznosi maloprodajne marže distributera nafte te mogućnosti da najavljenja poskupljenja djelimično ublaže tako što će se dio tereta poskupljenja nafte i naftnih derivata prebaciti i na distributere, a ne samo na građane. Nažalost, odgovor koji smo dobili ukazuje na to da je formiranje cijena slobodno prema uslovima tržišta, s tim da se indirektni porezi: carina, akciza, naknada za puteve, porezi na dodatu vrijednost obračunavaju u skladu sa odgovarajućim propisima koji regulišu njihovu visinu i obračun. Takođe, nafta i naftni derivati su roba čija cijena zavisi i od mnogih drugih faktora kao što su veleprodajne cijene dobavljača, transportni troškovi i drugi zavisni troškovi, te praktično nema zakonskih ograničenja za iznose maloprodajne marže.

Međutim, npr. u Brčko distriktu BiH postoji izuzetak kod utvrđivanja maksimalne maloprodajne marže na nabavnu cijenu lijeka na području Brčko distrikta BiH., a u Federaciji BiH, u skladu sa čl. 5. i 6. Zakona o kontroli cijena („Službene novine Federacije BiH, br.2/95 i 70/08), Vlada Federacije Bosne i Hercegovine i nadležni organi kantona, grada i općine u okviru svoje nadležnosti, propisuje mjere neposredne kontrole cijena, a navedene mjere se propisuju izuzetno, u slučaju: 1. ako i pored poduzetih mjera ekonomske politike nastupe ili

1 1

mogu nastupiti veći poremećaji na tržištu i u kretanju cijena; 2. radi sprečavanja monopolskog obrazovanja cijena; 3. radi utvrđivanja prodajnih cijena proizvoda iz robnih rezervi, koje se koriste za intervenciju na tržištu.

Federalno ministarstvo trgovine je mišljenja da nisu nastupili razlozi za propisivanje mjera neposredne kontrole cijena vezano za eventualno zakonsko ograničenje visine maloprodajne marže distributera naftnih derivata.